

دوسمادتده پکی پوسته خانه قارشوسنده  
دائرة مخصوصه در

حل اراره:

# مسائل الفقهیه

دین، فلسفه، ادبیات، حقوق و علوم دین باحث هفته لق رساله در

انظار:  
سکمزه موافق آثار جدیده مع المنونیه قبول اولنور  
درج ایدیمیق آثار اعاده اولتاز

مؤسسلری: ابوالملا زین العابدین - ح. اشرف ادیب

دوسمادتده	سنه لکی القایلقی	۶۵	۳۵
ولایاتده		۹۰	۵۰
ممالک اجنبیهده		۹۰	۵۰ غروشدره

تاریخ تأسیسی:  
۱۱ تموز ۳۲۴

دوسمادتده نسخه سی ۵۰ پاره در

قبریلده دن مقوا بورو ایله کوندریلیرسه سنوی  
۲۰ غروش فضله آلنیر.

دوسمادتده پوسته ایله کوندریلیرسه ولایات بدلی اخذ اولنور.

آئینده کی منظومه دخی ملامه خیال حقنده سویلنش عبرت آمیز  
اناردن در :

« بوبرده چشم اهل ظاهره بر نقش صورت در  
رموز اربانه اما که تشیل حقیقت در  
جهانه بکزه دوب شیخ کشتی بوبرده بی قورمش  
مشابه ایلش اجناسه تصویر بی نه دقت در  
هوادر صفایه نشئه بخش ایلر بونک سیری  
حقیقت بین اولان ارباب طبعه عین عبرت در  
نه وار بیلز و رای پرده ده کیسه بودر تحقیق  
لسان حال ایله حال جهانی بر حکایت در  
اگر دقت اولورسه قاره کوزله حاجی ایوازه  
مان فهم ایدن اهل کاله باشقه حالت در  
نیجه معنی اولور ملحوظ تحتیده بونک سیر ایت  
نکتن اکلسون اهلی دیو عرض نزاکت در  
سونجه شمع اشخاص صور نابود اولور بردن  
جهانک بی بقا اولدوغنه ایشته اشارت در »

دیگر :

« شمع شادی یانجه جلوه زادر پرده من  
پرتو فیض صفاله روشنادر پرده من  
هر دقیقه جالب حیرت مناظر عرض ایدر  
برعاشاخانه عبرتادر پرده من  
شمعه مزده پرتو فیض حقیقت آشکار  
خیره ساز دیده اهل دهادر پرده من  
دیده لر روشن ، کوکلر ذوقیاب اولسون بوشب  
انشراح افزای بزمه آشنادر پرده من  
کلسه اول چشم سیاهم خنده لر پیدا اولور  
جلوه گاه شاهد ذوق و صفادر پرده من »

بررسی محمد ظاهر بن رفعت

## حقوق

مبعوثلر نصل مذاکره ایدرلر؟

— مابعد —

تجیل تکلیفی حقنده یا پیله حق معامله دخی تفصیلات آئینه دن  
آ کلاشلور .

ایکینجیسی مقام صدارتدن مورود لایحه لر در که امر مهم تشریحه  
تعلق ایدر . بونلرک مذاکره سی ایکی صورتله اولور . زیرا بولایحه لر  
یا تجیل مذاکره بیله دائر بر طلبی محتویدر و یا بویله بر طلبدن عاریدر .  
برنجی احتمالده رئیس اول امرده بو جهتی موضوع بحث ایدرک شو  
طلبک قبول و عدم قبولی هیئتدن صوراره قبول اولورسه باقیلور .

بو خصوص ایچون مقدما تشکل ایتش برانجمن وارسه لایحه اورایه  
عکس تقدیرده شعبه لر دن برینه حواله اولور .

کریک شعبه و کریک انجمنجه غیر مستجل ماده تقدیراً مذاکره سی  
اجرا و مضبوطه لازمه سی رئیس اعطا اولور ، تجیل طلبنه مقارن اولان  
قانون لایحه لر ی حقنده مذاکره بردفعه جریان ایده جکندن هیئتجه عموم  
مندرجاتی اوزرینه اجرا اولنده حق مذاکره بی متعاقب ماده مذاکره سنه  
کیلوب کیلیامسی خصوصی طرف ریاستدن صوریلور . عدم موافقت  
طرزنده جواب آلنیرسه لایحه رد ایدلش اولور . موافقت حاصل  
اولورسه هر ماده و تفرعاتی - وارایسه - برر برر مذاکره و هر بری  
اکثریتله قبول اولدوقدن صکره هیئت مجموععه سی حقنده آرایه مراجعت ایدیلور  
اتنای مذاکره ده تبدیل و یا علاوه بیله دائر بر تکلیفک در میان اولنسی  
حالنده اسباب موجهه سی صاحبک بجلا بیان ایتسی مقتضی اولوب  
بو بایده اتخادی ایجاب ایدن قرار متقدمدن اول بر معامله استثنایه  
کوریلور . یعنی تکلیفدن صکره وقتیه انجمنده مضبوطه بی یازان ذات و یا  
وکلاهی دولتدن بری کیفیتک انجمنه حواله سی طلب ایدر ایسه قرار  
متقدمه حاجت قلمنسرین امر حواله اجرا اولور . بویله بر طلبک عدم  
موجودتی حالنده یه قرار مذکور استحصال اولنمزدن مقدم مضبوطه  
محررینک بو بایده کی مطالعه سی صوریلور . قرار متقدم نظر مطالعه بیله  
آلتق خصوصی منبع ایسه تکلیف واقع انجمنه حواله ایدیلور .

اعضالر صوک قراره دکین مذاکره نک هر حال و درجه سننده  
ملاحظات عمر میده بولنه بیله جکلری کی هیئتجه تصحیح عباریه لزوم  
کورلمسی حالنده لایحه نک انجمنه اعاده سیده مجازدر . مع مافیله انجمنجه  
طلب وقوعنده اعاده مجبوریدر . شوقدر که تصحیحات لازمه بلا تأخیر  
اجرا اولنلی و لایحه مصححه مسارعه هیئته اعاده ایدلیدر . شوااعاده دن  
صکره یا پیله حق مذاکره یا لکنز عباره مذکوریه انحصار ایدر .

ایکینجی احتمالده یعنی طلب تجیلک فقدان حالنده لایحه هیئتجه آرزو  
ایدلدیکی تقدیرده علناً قرائت ایتدیرلرکدن و تقریر ایله برابر طبع  
ایتدیریلرک نخلدر اعضالر توزیع ایدلرکدن صکره لایحه نک باحث  
بولنرینی خصوص ایچون مقدما تشکل ایتش برانجمن وارسه اورایه و عکس  
تقدیرده شعبه لر دن برینه حواله رسمیه سی رئیس جانبدن اجرا ایدیلور .  
شعبه حواله حالنده کیفیتک تدقیق ایچون هر اعضاسی بر شعبه دن  
منتخب اولق اوزره بش ذاتدن مرکب برانجمن وجوده کتیریلور ،  
مصلحتک درجه اهمیتنه کوره هیئت عمومیه نک قرار یله بومقدارک ایکیشر  
آلتق صورتیه اونه اوچر آلتق صورتیه اون بشه ابلاغی جائزدر ، موازنه مالیه  
قانونی ایچون تشکل اولنان انجمن هر حالده اون بش ذاتدن ترکیب ایدر  
(موازنه) انجمنی نامیله دیکر لرندن تمیز ایلر .

هر شعبه کوندره جکی اعضایی اتخایدن اول انجمنک اشتغال ایده جکی  
خصوصی نظر امعاندن کچیرر ، آکا کوره اعضاسنی انتخاب ایلر [۱]  
و انتخاب ایده جکی اعضانک دیکر ایکی انجمنده ایفای وظیفهیه مأمور

[۱] اتنای مذاکره ده اتخاب اعضا کیفیتک هیئت عمومیه جه اجرایی  
تکلیف اولورسه تکلیف سائرده جاری شروطه رعایتله بو بایده برقرار  
متقدم اعطا اولنسی لازمدر .

اولانلردن اولماسنه اعتنا ایدر [۱].

شعبه لرك بروج مشروح انتخاباتی بئته كدن صكره انجمن اعضا لری اجتماع ایدر. ایچلرندن بر رئیس و بر ضبط كاتی و نتیجه تدقیقاتی حاوی مضبوطی قلمه آلق اوزره بر مضبوطه محرری انتخاب ایدر لر و اجتماعلرینه دائر ضبط تنظیم ایدر ك اعضا نك عدد و اسامی سنی دخی كوستیر لر .

مقام ریاسته ویریه جك اولان انجمن مضبوطه سی هیئت عمومی دهه علماً قرائت ایدیلور و نسخ مطبوعه سی اعضا یه یوم مذا كره دن لاقول بر كون اول توزیع اولنور .

طرز مذا كره یی تعیین ایچون قانونك تعلق ایتدیگی خصوص نظره آلنور . منافع محلیه ده متعلق ایسه یا لكر بر مذا كره ایله اكتفا اولنور . نته كیم تعجیل قرارینه مقارن قانون لایحه لر نده حكم بوشوال اوزره ایدی [۲] . خصوصات سائریه متدائریسه لاقول بشركون فاصله ایله ایکی دفعه مذا كره جریان ایدر . و هر مذا كره ده لایحه لر كاملاً قرائت و تذكر ایدیلور .

هیئجه تعیین اولنه جق اولان یوم مذا كره ده اولاقون لایحه سنك هیئت مجوعه سی تذكر ایدیلور . ختامنده رئیس طرفندن ماده عماده مذا كره اولنوب اولنامسی هیئندن صوریلور . ماده مذا كره سنه كچیلما سنه قرار ویریلور ایسه لایحه نك قبول اولمادیغی آكلاشیلور و در حال عدم قبول کیفیتی رئیس جانبندن بیان اولنور . ماده مذا كره سنه قرار ویریلور ایسه صر سه یله هر ماده و متفرعاتی مذا كره اولنور ق ایکنجی مذا كره یه كچیلوب كچیلما سنه دائر بر قرار اتخاذ ایدیلور ، مذا كره جهتی تقرر ایدر سه یه بر كون قرار اشدیریلور و اوكون تكریر مذا كره اولنور ق هر ماده و متفرعاتك قبول و عدم قبولی حقنده آرایه مراجعت اولنور . قبولده اکثریت حاصل اولور ایسه لایحه قانونیه حقنده بر قرار اتخاذ اولنور ق مناقشاته نهایت ویریلور [۳]

اعضالر جانبندن قانونلره دائر تعدیلات تكلیفی در میانی حالنده باقیلور . تكلیف یا ۱ - مجلسجه موضوع بحث ایدلماش اولان قوانین موجوده دن برینه وكذا یكیدن تدوینی لازكلان بر قانونه تعلق ایتك اوزره رأساً در میان اولنق صورتیله و یا ۲ - مجلسه مودوع بر قانونك انجمنجه تدقیق صر سه سنده و یا ۳ - قانون مذكوری هیئت عمومی نك اثنای مذا كره سنده و یا ۴ - برنجی مذا كره نك ختامنده و یا ۵ - ایکنجی مذا كره نك جریان اثناسنده و یا ۶ - ایکنجی مذا كره ده قبول اولنان بر تكلیف اوزرینه انجمنه حواله دن صكره واقع اولور . برنجی شقده قرار متقدم معلومك اتخاذینی متعاقب انجمن مخصوصه حواله اولنور . بوانجمن بیلدیكمز خصوصی انجمن اولمایوب شعبه لرك

[۱] نظامنامه بونی صراحة منع ایشدر . بومنعیت اعضا نك مأمور اولدیغی انجمنلردن برینك اكمال وظیفه ایله مضبوطه سنی تقدیم ایدنجه یه قدر دوام ایدر .

[۲] كرك لایحه و كرك تعدیلات و علاوه حقنده كی مذا كره موان مستعجله نك تذكرنده جاری اصوله توفیقاً جریان ایدر .

[۳] معوئلر بوسوك قبول قرارینه قدر له وعلیه ملاحظات عمومی دهه بولنه ییلور لر .

اثنای تشككنده اونر اعضا دن مركب اولق اوزره تشكیل اولنان ایکی عمومی انجمندر كه بولردن بری معوئلرك ویردكوری لایحه لری دیکریده هیئته ویریلان عرضحاللری ایشده تدقیقه مأموردر . بوانجمنك تنظیم ایلده جکی مضبوطه هیئت عمومی دهه اوقنور . و مذا كره جریان ایدوب رایه مراجعت اولنق دن صكره اکثریت قبولی التزام ایدر سه لایحه سی تنظیم اولنق اوزره کیفیتك شورای دولته حواله سی طلبی متضمن مقام صدارته بر مضبوطه كوندیریلور . اکثریت ردی جهتنه كیدر سه تاریخ رددن اعتباراً لاقول ایکی آی كچمدكجه بوتكلیف تكرار ایدیله مزه ایکنجی شقده باقیلور قبول تكلیف ایچون موضوع شروطه رعایت ایدلش ایسه قرار متقدم استحصانه لزوم كورلمكزین رئیس جانبندن لایحه نك تدقیق اولدیغی انجمنه حواله اولنور . لایحه نك هیئت عمومی دهه عودتنده تكلیف صاحبی آرزو ایلدیگی تعدیلك تعلق ایتدیگی خصوصك مذا كره سی صر سه سنده تكلیفك اسباب موجب سنی هیئته تفصیل و ایضاح ایدر و اعضا ی موجوده دن ترویج و تأیید ایدن بولنور ایسه موقع مذا كره یه قونیلور عكس تقدیرده مذا كره سندن صرف نظر اولنور . [دقت اولنمیدر كه شوتكلیفده قرار متقدم اتخاذی لایحه نك انجمندن عودتته تعلق اولنقده در .]

اوچنجیده باقیلور او مجلسده تعدیلك رد و قبولنه دائر بر قرار اتخاذی ممكن ایسه یا ییلور و اوله مدیغی تقدیرده تعدیلك صورتی طبع ایتدیریلر ك ایرتسی اجتماعدن مقدم اعضا یه توزیع اولنور . بوراده كی فرق تكلیفك نظره آلنوب اولنامسی حقنده بر قرار متقدم اعطاسیله انجمنه حواله كی معاملاتنه لزوم كورلماسیدر .

در دنجیده تكلیف اولنان تعدیلاتك لایحه نك تدقیقه مأمور انجمنه اعطاسی لازم كلور . شوقدر كه انجمنده تدقیق ایتدیرلرك اوزره هیئندن بر قرار متقدم استحصانه لزوم كورلمز . تعدیلاتك نسخ مطبوعه سی ایکنجی مذا كره یه بدأ اولنردن اول اعضا یه ده توزیع ایدیلور .

بشنجیده تعدیلاتك نظر مطامه یه آلنوب اولنامسی حقنده بر قرار متقدم اتخاذینه لزوم واردر . بوقرارك اعطاسندن مقدم صاحب تكلیف تعدیلاتك اسباب موجب سنی بیان ایدر و یا لكر انجمن اعضا لری طرفندن كندوسنه جواب ویریه ییلور . قرار واقع نظر مطامه یه آلنق جهتی منتج ایسه اوزمان انجمنه حواله اولنور . حالبو كه اوچنجیده انجمنه حواله یه حاجت اولمادیغی كی در دنجیده ده حواله ایچون بویله بر قراره انتظاره محل یوقدی . مع مافیه تكلیف اولنان تعدیلاتك انجمنه حواله سنی انجمنك مضبوطه محرری طلب ایدر جك اولور ایسه مذا كره نك هر هاتکی در جه سنده اولور سه اولسون بو كی قیود و شروط ارا نقسزین حواله سی جهتنه كیدیلور .

آلنجیده عینیه بشنجیده كی تفصیلات جاریدر .

مابعدی وار ماریونی زاره : ابراهیم